



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Idea Boni Et Perfecti Regiminis**

**Binet, Étienne**

**Mainz, 1675**

Cap. VIII. Boni Prælati Idea exprimitur in Sanctissimi & Illustrissimi  
Episcopi Genevensis persona

[urn:nbn:de:hbz:466:1-50077](#)

itaque amore ejus sustinetis defectus vestrorum confratrum, & occasione illos supportandi magnam aestimatis, ut testemini Christo, quod tenerè ametis omne id, quod vobis commendat, & illos, quos vestro imperio subjecit.

## CAPUT OCTAVUM.

*Exprimitur idea boni Prælati in persona sanctissimi, & illustrissimi Episcopi Genevensis.*

**P**rofectò nostro ævo difficulter inventimus ideam ditiorem, faciliorem iinitatu vitâ S. Francisci Salesii Episcopi Genevensis. Et quidem primò dicebat id, quod ego per transennam tetigi, nullum quasi extitisse, quam Deum, & ipsum, qui amarat pauperes peccatores, eorumq; defectus sustinuerat. En ergo quædam delineamenta ejus regiminis, en quasdam regulas, quas lequebatur.

I. Et quidem ante omnia jocando dicebat, se esse omnipotentem, & quidquid vellet, se posse facere; nam ex una parte nil aliud volebat, quam quod vellet Deus; ex altera

altera verò nil aliud expectabat, vel prætendebat ab hominibus, quām quod intra terminos debiti commodè possent facere. De reliquo, quod non obtinebat uno die, non sperabat in mense, vel anno.

II. Quod si coram eo aliquis Religiosus, velut mansuetus, aut magna virtute conspicuus laudaretur, actutum interrogabat, an non aliquando fuisset, vel nunc esset Prælatus; nam uti dicebat, multi dum non moderantur habendas, nec aliud habent onus, quām seipso; sunt valde probi: Id autem, ut veritatem dicam, in multis non est alia virtus, quām cessatio à vitiis, & imperfectionibus. Verùm quod si aliquis sedeat ad clavum, gemat sub aliquo pondere, debeat regere, & supportare alios, tunc prodit, an ejus virtutes solidæ sint; si enim habeat veram charitatem, qua sustineat defectus suorum Subditorum: Si habeat humilitatem, qua toleret despectus: Si habeat prudentiam, qua expectet, ut audiatur, quæ fieri debent, ac ita omnia mature fiant: Si reprobat quendam falsum zelum, qui re ipsâ nil aliud est, quām impatiens, is solidè virtuosus est. Verbo ex his

G 6                    cluç-

elucescit, num homo solidas virtutes habeat, vel non: secus non credam, nec dicam aliquem virtuosum; nam s<sup>e</sup>pe video, quod fictio venditetur pro virtute, & rideo quosdam monitores, qui in omnibus inveniunt, quod culpent.

III. Verum enim vero, non nemo quadam vice sic cum affabatur: Reverendissime Domine, tu toties vadis Genevam, ut tractes cum illo stupido sene Beza viro perversissimo, & quidem tam reverenter cum eo agis, ut re ipsa non parvum scandalum praebreas. Cur quæso, cum sis Praepositus, tuum tempus non impendis melius in negotiis Dioecesis, cuius quandoque es futurus Episcopus? Cur non conversaris cum bonis, in quibus magnum lucrum reportabis? Hem! replicabat ille incomparabilis Praepositus; An non recorderis, quod Christus non tam venerit in hunc mundum pro justis, quam ut vocaret peccatores quodque S. Paulus dicat, nunquam è cœlo auditum gratius verbum, quam Deum descendisse in terram, ut salvaret peccatores, quorum primum se nuncupabat? S. Paulus? Quod si debea-

debeamus imitari nostrum bonum Magistrum , & esse potius pisca tores peccatorum, quām justorum, qui nostrā operā non indigent , quid ego non faciam pro Beza, & pro omnibus aliis, quod aliquis prædicator in hoc mundo facere potest ? Beza est ovis errabunda ; an erga ego eum non cruam è faucibus lupi, & ad ovile reducam ? Potius deponerem mille mitras, peda, quām curam peccatorum, compassio nem, & tolerantiam defectuum.

IV. Ast enim Reverendissime, tu nimis bonus es, & suavis ; discoli abutuntur tuā indulgentiā , & forsan eam irrident. In tuis ædibus scelesti videntur gratiores ; nam quamvis eorum perversitas tibi sit perspectissima : attamen eos complecte ris, ac si essent tui filii. Sed enim bonus Prælatus regerebat , rem esse præclarām, ob nimiam clementiam damnari. Et cur enim Deus Patervocatur Pater misericordiarum , & Verbum incarnatum vocatur Agnus sine felle : Spiritus insuper sanctus non comparet nisi in forma candidæ columbæ, quæ est ipsa suavitas ? Quod si ali quid nobilius esset hac infinita benignitate

G 7 Dei,

Dei, Deus hoc revelasset, cum tamen velit duo tantum, neimpe humilitatem cordis, est inasuetudinem ab eo discamus. An ergo me impediatis, ne discam lectio-  
nem, quam Deus mihi dedit, & ne imiter  
virtutem, quam tanti aestimat? An forte  
simus sapientiores Deo?

V. Dum superiores querelis lacesse-  
rent imperfectiones suorum subditorum,  
& nimis relapsus in eosdem defectus,  
ideoque vellent officio renunciare, co-  
quod defectus corrigere, eosque diutiis  
sufferre non possent. Sanctus vir incipie-  
bat ridere, & amabilissimo rubore suum  
yultum tingens dicebat: Sed hem! mea  
charissima soror; an tu nullum committas  
defectum? an nullum unquam te com-  
missurum putas? Quod si aliquem de-  
fectum committeres, an velles subito  
conjici in carcere, vel velut incorrigi-  
bilis præcipitari ex fenestra? Religio non  
est composita ex personis perfectis, sed  
iis qui adspirant, & tendunt ad perfectio-  
nem. An putas apicem perfectionis  
octo dierum spatio posse attingi? An  
tu hunc apicem attigeris? Quantum  
tempo-

temporis insumpsisti? Quamdiu in illo  
manebis? Et dato quod illum attigeris,  
viden' amabo, an ad illum non subieris  
ex gratia speciali Dei, & indole naturali,  
quam Deus tibi indidit, quæ nullam ha-  
bet reluctantiam, nec difficultatem in  
faciendis bonis? An velis cogere Deum,  
omnibus conferat easdem gratias, quas  
tibi contulit? An velis adigere totum  
mundum, ut ejusdem tecum sit genii?  
An non consideras molestias, difficulta-  
tes, quas experiuntur tuæ miseræ filiæ  
in donatione validæ naturæ supra mo-  
dum virtuti rebellis? Minima adversitas,  
minima tentatio superveniens tur-  
babit harmoniam omnium tuarum virtu-  
tum, & tota eris alia, quam modo es. Et  
quid tunc dices, nisi quod putaris, te  
præditam multis virtutibus, cum tamen  
hæ non fuerint aliud, quam exercitium,  
quod ortum duxit à bona natura & indo-  
le? Tunc veniam rogabis, quod tam exigua  
charitatem exercueris. Ego quoad me  
nolo obtinere hanc veniam, & potius  
tunc volo, & satius censeo compati infir-  
mis, eosq; sensim sanare, quam eos nimis  
pelle-

pellere, & urgere, & ita charitatem, ac pa-tientiam rumpere.

VI. An velitis scire , qualiter rexerit quædam capita indomita ? En arcum. Dum quadam die quidam nobilis irâ per-citus juxta ædes ejus strepitus edidisset in-tolerabiles, ac horrendos ululatus canum, hinnitus, equorum, à nonnullis famulis in-solentibus edicurasset, ac ad Episcopi cu-bile accurrisset, ac mille convicia evom-uisset, verba indignissima totius mundi ef-futivisset , bonus Prælatus oculo toto suavi, & benigno notavit illum furiosum, nihilque ei dixit. Nobilis se contemptum esse existimans rabiem auxit : Sanctus ve-rò vir silentium, & modestiam. Tandem dum totus perculsus ad se rediret, quidam honoratus vir , sic eum affatus est: Re-verendissime Domine; quomodo sufferre possis hunc insolentem , & linguam com-primere in occasione tam indigna ? Audin' charissime , inquiebat S. Prælatus , ego cum lingua mea pactum inivi inviolabile, & in-dissolubile ; quamdiu meum cor inflam-matum , & alteratum est, nec lingua mussi-tare debet; sedata autem irâ lingua dicet, quod

quod volet. Et quomodo melius quam silentio hunc miserum docere possem modum bene loquendi? Quomodo melius bilem sopiet, quam videndo meam taciturnitatem? Post paucas horas pœnitabit, veniam à me rogabit. Quod si illam à me non flagitet, ego ibo, & quidem lubens flagitabo. An vestro sensu non debeamus compati misero homini bile inflammat? Si DEUS ita nobiscum ageret, de nobis actum foret. Nullum unquam pœnituit silentii, sed saepe nimiorum verborum.

VII. Quadam vice interrogatus fuit, an optandi essent Superiorcs, qui nullum unquam commiserunt defectum, quippe essent speculum sine macula, sine imperfetione, & qui nullum darent pravum exemplum? Sanctus vir ridere cœpit, sed risu Paradisi, & dixit: Cavete, ne talia desideria inutilia & absolutè impossibilia fovetatis: nam Deum rogare debemus, ut tales è cœlo mitteret; nam hæresin saparet, si quis diceret, dari homines nullum, habentes defectum. Quin immò dato quod aliquis è cœlo descenderet, qui esset impeccabilis, adhuc aliquid ei objici posset,

set, & dici id, quod quondam fuit dictum  
alicui antiquo: *In hoc errat, quod nunquam  
errat.* Ei nulla adhiceretur fides, quia  
omnes dicent eum nescire, quid sit fragili-  
tas humana. S. Petrus graviter peccavit,  
& interim creatus est pastor universalis  
ecclesiæ. Ne intuearis defectus, sed vir-  
tutes. Quò Prælatus est imperfectior,  
eò purior est tua obedientia.

VIII. Dum Apostatæ, vel quædam ani-  
mæ desperatæ ad eum recurrerent, dilata-  
bat suum cor, easque velut suos filios pro-  
digos recipiebat. Bene veneritis, inquic-  
bat, filioli mei charissimi, venite, ego vos  
amplector, & cordi meo adstringo. Deus  
& ego vos juvabimus, ne desperetis, ego  
omnia faciam. Ostendebat illis omnem  
dulcedinem sui cordis, omnia viscera, suos  
oculos. Reliquos hic modus agendi ma-  
lè habuit, scandalizabantur, & dicebant,  
discolos illa lenitate, & impunitate exci-  
tandos ad malum. Videte, inquietabat, hæ  
sunt inæ oves; Christus iis dedit totum  
suum sanguinem; an ergo ego iis negem  
lachrymas? Hi lupi transformabuntur in  
Agnos, & erit dum nobis sanctiores  
erunt.

erunt. Si Deus Saulum abjecisset, Ecclesia non habuisset S. Paulum. Habete parum patientiae, & exiguum iis exhibete charitatem. Ego quoad me eos potius volo alegare ad purgatorium, quam ad infernum. Et quibus velis facere misericordiam, nisi miseris peccatoribus? Deus me misit, ut eos curem, & ex abyssu eruam; an ergo velitis, ut relucent, & contradicam? Revera non habeo cor tam angustum, ut ita crudelis, & durus sim. Vel cum iis pereundum est, vel laborandum, ut salventur. An non sint mei filii, & mea viscera? Sciunt me illorum esse Episcopum, sed potius volo me eorum ostendere matrem. Si quis velit rigorem, eum a me non petat, quia nec nomen severi habere volo.

IX. Reverendissime Domine, tu sapientius dixisti Superiorem debere esse cordialiter; verum quid sit cordialitas, quam tanti aestimas, ut gubernes animas, & cor lucreris? Ut sciamus, quid sit cordialitas, inquietabat bonus pastor, deberimus habere cor patris, vel matris, aut cor patris & matris simul. Illa afflita mater, cuius viscera commovebantur, dum charus ejus

ejus filius in duas pares secundus erat, hoc  
me melius dicet. Hæc res non docetur  
per præcepta, aut mellea verba, sed per af-  
fectuosam, & cordialem praxin, quam  
charitas producit in nostris cordibus.  
**H**anc rem te decebit pater filii prodigi,  
qui suum filium recipiebat brachiis apertis,  
oculis stillantibus lachrymas, corde am-  
plissimo, toto ignito, teneritudine cordia-  
li, gaudio ineffabili, & incomparabili.

Cordialitas itaque boni Superioris pri-  
mò consistit in hoc, quod habeat cor valde  
tenerum, quod semper inclinetur ad ve-  
niā, & excusandam aliorum fragilitatem.  
Secundò quod testetur bonitatem sui cor-  
dis dulci affabilitate, quæ suam suavitatem  
diffundat in omnia sua facta, & dicta, ut  
cuilibet sit summè gratum, & amabile,  
cū omnibus notum sit, verba dura, sicca  
esse omnibus odiosa. Tertiò ut habeat  
vultum plenum suavitate, & benignitate,  
ita ut persona demulceat. Videbis quan-  
doq; alios, qui nimis torvis spectant ocu-  
lis, qui semper tonant, qui omnia dene-  
gant, vel gratiam tam illubenter conce-  
dunt, ut gratiam cum gratia amittant, nec  
ullus

ullus iis gratus sit. Quartò ut in conversa-  
tione sit totus suavis, & sedatus, ut ejus  
verba sint candida, sincera, columbina, na-  
turalia, absque fuco, præcipitantia, absq;  
nimiis ceremoniis, nam ubi est violentia,  
ibi exulat cordialitas. Verùm unctio Spi-  
ritus S. & gratia Christi hæc omnia per-  
fectè docet.

X. Hic sanctus vir hæc omnia perfectè  
habuit. Ejus Diœcesani dum ad eum veni-  
rent, diversas personas inducebant: aliqui  
eum laudabant, aliqui eum adorabant; ali-  
qui pessima dicteria contra eum evome-  
bant: aliqui ei ruinam minabantur; aliqui  
sclopeta in ejus fenestras explodebant; ali-  
qui , & quis hoc crederet? mille injuriis  
eum prosciderunt. Interim hic homo cor-  
dialis, vel totus cor, vel totus amor faciem  
semper monstravit modestam oculos co-  
lumbinos, verbatam suavia, tam amabilia,  
cogitationes tam paternas, modum agen-  
di tam attractivum, ut quatuor verbis illos  
lupos in agnos mutaret. Adulatoribus re-  
spondebat: sincere fateor, vos me multò  
meliores esse: Franciscus Salesius est mi-  
ser homo, uti Deus, & meus Confessarius  
bene

bene sciunt. Christus Dominus, & Angeli magnum festum agunt, dum miser peccator convertitur. Et an ergo nolitis me lætari, dum aliquis miser postquam millies me afflxit, & cruciavit, sese meis brachiis committit? Jesus Christus fuit benevolentior erga malos, quam bonos; nunquam maiorem præ se tulit lætitiam, quam dum cum iis comederet, dum miracula patraret, dum eos ad pœnitentiam, & veniam recipieret. Adeo verum est, quod regimen debeat esse dulce & cordiale, si quis hominum corda lucrari velit.

XI. Quadam die non nemo ei dixit: Illusterrime Domine, & quid faciendum cum iis, qui jugiter relabuntur, & qui centies ob eundem defectum debent reprehendi? Quomodo? respondit: faciendum est id, quod dixit Christus, nempe iis condonandum millenis, centenis vicibus, immò toties, quoties peccant, & per totam æternitatem; cum enim eos Deus supportet, an eos non debeat supportare homo? An non satis sit, quod tandem resipiscant, & convertantur? Quinimmò esto nō converterentur, an ex parte nostranō debeat mus

mus facere id, quod possumus? An forsan non sim Episcopus peccatorum, & que a*ct* justorum, qui oper*a* me*a* non indigent? An opilio instituatur tantum pro ovibus adipatis, & sanis, & non morbidis, ac errabundis? Et quibus servit Medicus, an sanis, vel infirmis? Pro quibus venit Christus, an pro justis, an peccatoribus? An tibi charitas videatur tantum facta pro bonis, qui tu*a* opera non indigent, & non promiseris, ac omnibus derelictis? An humilitas fit condita, ut tantum supportet probos morigeratos, quite suspiciunt, qui te honorant, & non pro discolis, insolentibus, qui millenis injuriis te afficiunt? Eheu! paucissimi Spiritu Dei regere norunt,

XII. Quadam vice vidi pastorem per montes, per valles insectantem ovem errabundam, quae saltitabat per rupes, ut a Pastore fugeret. Miser homo currebat per nives, glacies, sed tandem cecidit in præcipitum, & miserè occubuit. Alter ut eum liberaret, post eum insiliit, sed totum contritum, disceptum, mortuum eum eruit. Sanctus itaque Prælatus cœpit flere & dicere. O Deus! & quam non sit

hæc

hæc insignis lectio pro Episcopo , & Superiori ? Hic miser homo periit , ut salvaret ovem fugitivam , & errabundam : & ego eheu ! O me miserum ! ut juvem animam perditam , tam exiguum zelum habeam , ut minima res mundi me detineat , & numerem omnes meos gressus , omnes meos labores ? O mi Deus ! Da mihi verum zelum , & Spiritum Pastoris . Eheu ! & hic miser opilio , quot non damnabit Pastores animarum , Superiores ?

XIII. Quadam die ei dicebam , quendam Prælatum nunquam satiari lectione librorum ejus , magnisque eum extollere præconiis . Verum ipse respondit : Perchare pater , ille bonus Dominus magno me afficeret gaudio , si me relinqueret , qualis sum . Ego melius cognosco Franciscum Salesium , quam ullus homo in mundo . Meum cor , meus Confessarius sunt duo testes irrefragabiles mearum miseriarium . Viden' qualiter bonus Prælatus , & Superior non debeat curare ea , quæ de eo dicuntur , nec tantam habere complacentiam in sua bona intentione , nec nimium delectari splendorc illorum paucorum bonorum operum

rum, quæ facit, ita ut destruat, & perdat veram cognitionem sui ipsius. Optima cogitatio, quam habere potest Superior, est, si quandoque consideret suos defectus; nam in operibus, quæ judicio amoris proprii videntur nobilia; judicium amoris veri multos defectus, & imperfectiones invenit. Is, qui sibi persuadet, quod omnia sua bene faciat, qui existimat se nullum committere defectum, qui putat se tantum delinquere leviter, est Pastor, qui seipsum, & non oves pascit. Is qui valde laborat, & parum lucratur, non est fidelis, nec in suum regimen benedictionem Dei trahet. Pretiosissima omnium gazarum quæ reperiuntur in thesauro Superioris, est profunda humilitas, quæ omnia bona opera soli attribuit Deo; defectus vero tam proprios, quam Subditorum sibi ipsi. Illi qui semper urgent rationes, sunt mihi valde suspecti. Sunt similes illis, qui postquam sub meridiem fixis obtutibus observarunt solem, omnia quæ intuentur, putant esse soles; cum tamen alii sciant eos nil aliud videre, quam fortes, & spurcitas; & ratio est, quia ocu-

H los

los habent refertos luce, & lumine amoris proprii, qui eos offuscavit.

XIV. Dum prædicaret Parisiis, passim, & absque ulla discretione invitabatur ad habendas conciones matutinas & vespertinas. Ego quadam die spiritus sumpsi, cumque sic affari cœpi: Reverendissime Domine, si venia verbo, tu te occidis, tu nimiis concionibus te gravas. Ille manus meam premens suaviter subridendo dixit: Pater, te assecuro, quod magis fatiger, si non prædicem, quam quando prædico. Cum Deus me instituerit pastorem, & prædicatorem, officio meo satisfacere debeo. Ut veritatem fatear, valde miror, quod Parisienses me tanti aestiment, qui linguam habeo blasphemam, grossam, conceptus viles, discursus communes, & simplices. Tu ipse, qui meis concionibus interfuisti, testari potes, quod veritatem dicam: Et an etiam in eum non oblitus, quod tot boni Parisienses ad meos sermones confluant? Sed ego mox replicavi: Et an putas Illustrissime Domine, Parisienses tua exigere verba? Iis sufficit, quod te videant in pulpito; tuum cor loquitur

cūm

cum tuo vultu , cum tuis oculis. Esto non  
recitares nisi orationem Dominicam, dum  
vident hominem, qualis tu es , contenti  
sunt. Tua lingua grossa , & tarda melius  
ferit ; tua verba communia inflammata  
igne charitatis emolliunt , & penetrant  
corda ; tua verba habent, nescio quid rari ;  
sunt pondus, omnia feriunt , omnia pene-  
trant, nihil dicis , & omnia dicis. Alius  
multò plura diceret , nec tamen diceret  
mediatatem eorum, quæ tu dicis ; non ha-  
bebit Auditores, & esto haberet, nullum  
fructum in iis reportaret. Tu habes  
quandam Rheticam Annesiorum, vel ut  
melius dicam, Paradisi, quæ miros effectus  
producit. His dictis me complectebat-  
tur, & suaviter subrisit, ita ut discursum ab-  
rumpere debuerim. En ejus modum ;  
semper suo sensu perdebat, & tamen sem-  
per lucrabatur , & habebat , quod ven-  
deret.

XV. Habebat aliquod principium,  
quod velut oraculum debet admitti. Nil,  
dicebat, amittitur dulcedine velut saccha-  
ro. Et quainvis per bonitatem aliquis  
committeret quendam defectum ; aut-

H 2 men

men hic coram Deo esset valde innocens,  
vel causa tanti boni, ut dici possit id, quod  
cantat Ecclesia de peccato Adami : O fe-  
lix culpa, quæ Salvatorem mundi, & com-  
pendium omnis nostræ felicitatis è cœlo  
traxit. E. contra rigor parum boni præ-  
stat, & multa mala causat; turbat corda;  
generat odium, & ipsa beneficia quæ con-  
fert, consumit; nam cum tam exigua grati-  
a ea confert, ut non sit grata, nec aliquis  
se gratum exhibeat. Rem miram dice-  
bat, quod per tres annos integros studue-  
rit mansuetudini Christi, & humilitati  
eius cordis, nec tamen adhuc se esse con-  
tentum. Eheu! quod si ille, qui erat ipsa  
suavitas, ipsa benignitas, integris annis  
studeat, ut eam acquirat, & putet se pauxil-  
lum habere; quid facient illi, qui cor ha-  
bent plenum spinis, qui naturam habent  
asperam, verba amara, frontem corruga-  
tam, complexionem arrogantem & impe-  
riosam? Quomodo possint existinare,  
quod sint capaces ad regendos alios, dum  
malam passionem regere, & subjugare ne-  
queunt. Hic Sanctus multos Superiores,  
& servos Dei condemnabit.

Et

Et hinc dum sua incomparabili benignitate omnes etiam Ecclesiasticos scandalosos reciperet, multi obmurmurabant, & scandalizabantur. Verum sanctus vir tantum subrisit dicens: mi Deus, & an non satius omnes suaviter ducantur ad Purgatorium bonæ & veræ pœnitentiæ, quam impetuose trudantur, & pellantur ad infernum turpis desperationis, & im-pœnitentiæ finalis? Et quomodo illi cum hoc rigore vadant ad Purgatorium, qui vix cum illa asperitate absolutè insupportabili, corde mille timoribus transfixo, ad Paradisum ire nollent?

Ego sub fornice cœli non invenio potentius remedium contra impetuositatem, & impatientiam, quæ nomine zeli decoratur, quam suave, & felle carens silentium. Et quamvis aliquis paucaloquatur; attamen amor proprius multa effutit, & tot verba inconsiderata evomit, ut cor spatio viginti quatuor horarum mille amaritudinibus sopiaitur. Quando Superior nil dicit, nil respondet, sed libenter injurias suffert, & expectat, donec tempestas sedetur: ira, & indiscretio stupefiunt, & cor

H 3

diu

diu suavissima jucunditate, & latitia  
fruitur.

Et revera unum est, quod Prælatis, ac  
Superioribus magnam molestiam creat,  
nempe quod dum mille negotia occur-  
runt, & mille audientiam flagitant, qui-  
libet statim expedire velit, absq; eo quod  
tempus respirandi indulget. Hoc mihi  
sæpe evenit, sed pactum inivi cum meo  
corde, cum mea lingua, & imitatus sum S.  
Job. Dum huic servi successivè unus post  
alterum nova referret, uni respondit. Sic  
Superior si unus veniat, uni respondeat, si  
duo, unico responso iis satisfaciat. Hoc  
modo Deus probat nostra corda ut videat,  
num sustineant malleum, & sint sufficien-  
ter solida subditi sunt mihi velut infantes  
qui ad sinum patris confugiant. Nun-  
quam gallina tedium capit, dum pulli si-  
mul sub ejus alis se abdunt: immò alas su-  
per omnes extendit, & meliori modo quo  
potest, eos tegit. Videor mihi sentire  
quod meum cor crescat in pectore, dum  
numerus subditorum, qui ad me confugi-  
unt, crescit; & ita sum comparatus, ut  
omnes unâ ulnâ metiar.

XVI. Quod si aliquis ejus spiritum velut in speculo intueri velit, is debet legere regulas, quas condidit pro directio- ne matrum visitationis: nam omnes sunt refertæ cordialitate, candore, charitate materna, longanimitate, patientia, teneri- tate extrema, compassione, condolentia, supportatione debilitatum imperfectio- rum. Verbo, totæ sunt ignis, totæ amor divinus, totæ patientia invicta. Dum in extasin raptus disceret se futurum funda- torem alicujus Ordinis, ei tradita fuit hæc norma divina, hæ Regulæ Paradisi revelata, & impositum, ut regimen animarum fa- cilius redderet. Ejus arma erant lachry- mæ, ejus mandata preces tam dulces, ut nullum cor iis resistere potuerit. Ejus ma- xima particularis erat nil petere, & nil de- negare. Verum distinguere oportet, quod nil re ipsa petierit, & nil quidquid ei gra- tum judicabatur, fuerit ei denegatum. Fa- muli eum amabant velut patrem; nil iis dicebat, & tamen omnes sudabant, & ei diu noctuque affectuosè & amorosè fa- mulabantur.

XVII. Dicebat à vero Superiore ini-

H 4

tan-

tandum esse Jesum Christum , qui visus fuit tenerius amare imperfectiores quam perfectiores. Infirmi, inquietabat, sunt illi, qui egent medico, & non sani. Magis mihi placet misericordia , quæ supportat infirmos , & defectuosos , quam sacrificium. Veni ut vocarem peccatores , & non justos. Meus Pater misit me, ut solares afflictos, & eos qui cor habent afflictum , & aliquâ æruimnâ dolorosâ transfixum, dumque invenio unum drachma , totus Paradisus tecum gaudet , & lætatur. Porro dum sanctus Prælatus hæc verba citaret, dicebat, quod Prælatæ visitationis deberent habere hunc spiritum ; cum charitatem diceret perfectius impleri in imperfectis , quam perfectis , ac aliquem satius excedere in bonitate, quam in aliquo zelo apparente , qui saepe non est aliud ; quam vera impatientia.

XVIII. Addebat Superiorem carentem spiritu generositatis nunquam posse esse verum Superiorem. Pusillanimes & cordis angusti submerguntur & percurrit scypho aquæ. Generosi è contra profundieribus Oceanis illudunt. Superior angu-

angusti cordis quamprimum aliquis vel minimum defectum comittit, statim excedens, vult eum dimitti, & ad alium locum relegari. Porro hoc nil aliud est, quam inera impotentia, debilitas & infirmitas cordis ac virtutis. Persona generosa à nihilo turbatur, & movetur, nec ab ullo vult exonerari, quia generositas cordis omnes capit, & existimat, quod dum Deus omnes illos ei subditos dedit, in eorum regimine, & gubernatione debeat ostendere se esse fideles. Et an non res ridicula foret, si Medicus videns graviter infirmum, fugeret, aut opilio ad adventum lupi fugâ sibi consuleret? Non absimiliter ille qui latanter regit illos: qui bene se habent, & non alios, qui male se habent, ita ut eos supportare nequeat, nunquam erit verus Prælatus, nec melius valebit, quam nauclerus, qui nequit gubernare navim, nisi habeat omnes ventos propitios, & faventes.

XIX. Et revera multi sunt, qui sub falso prætextu humilitatis & incapacitatis fiunt infideles Deo, & coram eo magno merito privantur. Dum Romæ examinandus esset

H 5

pro

pro Episcopatu, intravit quandam Ecclesiam, ut miram orationem funderet. Alius orasset: *Veni Creator Spiritus, &c.* ut Deus ei conferret gratiam, ut posset esse bonus Episcopus. Verum sanctus vir Deum rogavit, ut faceret, quod placeret ejus voluntati, & si ei magis conduceret, nil diceret ad propositum, ac ita rediret pudefatus; nam hoc summopere desiderabat; nam parum inquietabat, refert, num sim Superior, vel inferior, totus, vel nihil, dummodo Deus in me adimpleat suam sanctissimam voluntatem.

XX. Interim non volebat, nec permettebat praetextu indulgentiae & suavitatis defectus manere impunes, & foveri temeritatem eos committendi. Superiores, inquietabat, imitari debent sponsum, qui bibebat vinum cum lacte, comedebat favum mellis, & rigorē, dum res ita exigeret suavitati miscebat. Dum quadam die predicaret, vidit quendam adolescentem insolentem, qui sub concione mille aspectibus quandam puellam alliciebat. Talis petulantia eum commovit, & magno zelo inflammatus exclamavit: Et an tem-

plum

plum Dei debeat mutari in speluncam furum , & latronum ? Nisi te emendes , dīgīto te monstrabo , & coram mūndo te proclaimabo . Quoad me nullo, quod me tangit, plus moveor , quām si me non tangēret . Verūm quod Deum tangit , me maximē angit, ita ut nil sit , quod non faciam, ut quilibet contineatur intra terminos suā obligationis . Dum agere deberet Eliam, & Leonem, exactē eum agebat , & incredibili reverentiā loquebatur Papæ Regi, Duci Sabaudorum, urgebat servitium & honorem Dei, etiam cum jactura bonorum, honoris, & propriæ vitæ . Non solū dicendo , sed & operando fiebat idea bonorum Episcoporum , & speculum verorum Superiorum . Deus det gratiam, ut imitemur ejus eminentes virtutes , & ab eo verum modum gubernandi discamus . Qui vult scire, quid debeat agere , in eum solum debet oculos convertere, & facere, quod ipse fecit .

L A U S D E O .

• 624 •